



« Tõnd sēn deeg soobā, Wēnd tuma tōnd dūni wā pugē tū d tū moon koe-noogā »

Pap Tēeb-yalgr Tūma gesg Do-kāsenga Burkina ne Nizēer
01 BP 1195 Wogdgo 01 - Tél. : (226) 25 37 03 07
Email : opmburkinaniger@gmail.com
OCTOBRE 2019

Zi-likr kiuugā, 2019 Yuumdā imaaz vōor wilgri

- ⇒ Zi-likr kiuugā, 2019 Yuumdā imaazā ne a tēn-bed a nu wā rog-n-mik toor-toorā lagemda tōnd ne Tiugungā tōr sēn be āndūni wā pugē b sēn tum koe-noogā mooneg yīngā ; yaa kaset kānga n puk imaazā pugē tu d ne neba sēn kēnd bōn-gilgā pugē.
- ⇒ **Imaazā pugē** : saaga pilga a gāongo, t'a Vuusem Sōng sēn duk wall wēnegā tāos a vēenem, a kūun a yopoe wā zamaana tōr pugē : yaa Vuusem Sōng kānga n sig Kirista zugu, b soobā reegr wakato, la yaa Vuusem Sōng kāng me, la soob kambā deeg b soobā wakato. Hal sungr wēndē, yaa Vuusem Sōng kānga, n lut taor n yāagdē la B sōngd koe-noogā mooneg tumd buud fāa, n na n tāag dūni saab wakato.
- ⇒ **Ned ning sēn be-a tēn-sukā** : Kirista sēn yelg fu-pælgā, n yedg b nusi, Bāmb n be Koe-noogā mooneg yēgrē. Yaa bāmb n paam tōog buud fāa yīngr la tēnga, n tum b karen-biisā, la ned ning fāa sēn deega soobo, tu d saag n moon koe-noogā, zamaana weo-n-vuls a naasā pugē.
- ⇒ **Neb nins fāa sēn gūbg-b Kirista wā**
- Bāmb taoore, d nee kris-neb zak a ye rāmba, masæer a ye, la katesust a yembre, sēn makd tōnd nin-sablsā tēnga.
 - Bāmb rutgo : d nee tiugung roog ba a ye, ne nasaara nug tumtumd a ye, sēn makd Erop soolma.
 - Kirista goabgā, d nee neb a tā sēn makd oseyani soolma.
 - Bāmb “zān-kuidgē” nug rutgo : d nee Megsik tēng paga a ye, ne Ênd tēng rao a ye sēn vl Amerik tēnga, sēn makd Amerik soolma tēnse.
 - Bāmb “zān-kuidgē” nug goabga, d nee Araab tēng rao a ye, Sunn tēng rao a ye, la Ênd tēng pag a ye sēn makd Aazi soolma tēnse.
 - Nin-kāensa fāa bee so-toak zugu. B fāa paama a Vuusem Sōng kūuna b soobā reegr wakato, la Kirista tum-b-la dūniyā pugē, tu b tu moon b koe-noogā. Wala tumtumdbā sēn maan pīndā, nin-kāensa me na n gilga moogā tōre, n moon koe-noogā wala Kirista meng sēn zāmse: « kēng-y dūni wā fāa pugē, n kut tu ādem biisa fāa lebg B karen-biisi, n kōt-b soobo, Ba la biiga la a Vuusem Sōng yuur yīnga, la y zāms-b būmb nins fāa mam sēn wilg yāmbā » Mt 28,19-20a.

GOM-ZUGÂ

“ Tõnd sên deeg soobã, Wënd tuma tõnd dūni wã pugē, tɔ d tɔ moon Koe-noogã.”

TOGLG KOĒĒGA :

“Kēng-y, kut-y tɔ moogã ninsaalb buud fãa lebg m karen-biisi, n kōt-b soobo, Ba la Biiga la Vuusem Sōng yuur yīnga...” (Mt 28,19). Yaa no-kānga, la Kirista bas ne ned ning fãa sên deega soobo. B ka bas tuumdã ne bāngdb sull neb ye, la sên yuud fãa, yaa sên deega soob fãa tuumde. La ründã zugã, neb wusg sên deeg soobo, ka le get koe-noogã mooneg ne b goam la b manesem wala b tuum-pakre ye. Pap Benoa piig la a nu soabã gulsã sebre(*Maximum illud*) yuum koabgã rōandã, sên tēegd tõnd tēeb-yalgr tuumdã gāndaado sên kō b mens zānga, Tiugung vuum kibar pugē. Yaa rē n so, tɔ Pap Fārensoa bēd yuum koabgã tēegre, n yāk zī-likr kiuugã, t'a na n yɔ tēeb yalgr kiuu-kāsenga. Pap ratame, tɔ d tū soe a naas n vuund kiu-kānga neere :

Pipi, yaa ned fãa mao n seg Kirista a Zezi, sên vɔ Tiugungã pugē, Ekaristi sakrema pugē, Wënd gomdã pugē, yembr la lagem-taab puusg pugē.

A yiiɔ soaba, yaa d tū nin-sōama wã kaseto, sên daag b zuum tēebã yīngã la tēebã tumtum-kāsensã kaseto.

A tãab soaba, rëndame tɔ d paam zāmsg tēeb yalgr tuumdã zugu, sên tūud ne Sebr sōngo, ne kateseɛz, vuund ne Wēnde la Wënd bāngr zulgrɪ.

A naas soaba la sên na n baase, yaa d vuund tēeb yalgr tuumdã nonglem pugē.

Yaa modgr ne Tiugungã tōre, t'a le tū noor ninga Kirista sên bas ne-a wã, ba ne a sên vɔ zamaan kānga zu-loeesã pugē wã, la a tum tɔ ādem biisa fãa paam Koe-noogã sū-noogo.

Tõnd sên deeg soobã, Wënd tuma tõnd dūni wã pugē, tɔ d tɔ moon Koe-noogã.

Woto yīnga, d modg n bas zoe-nifu, rabeem, sāmbose, sū-sāamse n tōog n tall a Zezi Kirista n taas d saam-biisã. Bɔ d ruk d Soaala la d Fāagda a Zezi Kirista naoore, tɔ bāmb da saagd tēnsã toor-toore, n moond koe-noogã.

Sên na n yulē n kēes d mens zāng tuumd kānga pugē, Pap tēeb yalgr sullã sên be Burkina la Nizēɛr yāka gom-zug kānga rōandã yuumdã yīnga: **“ Tõnd sên deeg soobã, Wënd tuma tõnd dūni wã pugē, tɔ d tɔ moon Koe-noogã.”**

Bɔ a Vuusem Sōngo sên yaa tuumdã sor-wilgdã, kō kiris-ned fãa sên deega soobo sū-keelem, t'a kō a tēebo la tēeb yalgr tuumdã kaseto. Āmina!

2019 TÊEB YALGR KIUUGÂ PUUSGO

D Ba Sõngo,

Yãmb Bi-Yend a Zezi Kirista sên vuug kuums sukã

kõ b karen-biisã no-kãnga :

“kẽng-y, kut-y tu mooga ninsaalb buud fãa lebg m karen-biisi”.

Yãmb tãegda tønd tu Tiugung tuumdã yaa tønd me rãnda.

Ne yãmb Vuusem Sõng kũuni, sõng-y tønd

tu d yu Koe-noogã kaset dãmba

ne raodo la ne d sũur fãa,

tu bala b sên puus Tiugung tuumd ningã na ka pids zãng ye.

Dẽ n so, tu d kotẽ tu y sõng Tiugungum t'a bao yam la dabaar paalga,

sên na n yulẽ tu dũni wã paam vum la vëenem.

Sõng-y-do, tu d maan d sên tõe fãa,

tu ninsaalba fãa tõog n seg tønd Soaala a Zezi Kirista nonglemã

sên wat ne fãagr la nimbãan-zoeere,

Bãmb sên vu la b rut naam ne yãmb la ne a Vuusem Sõngo,

hal zamaan ne zamaana. Amina

PAP FÂRENDOA KOCÊGA, 2019 YUUMDÂ PUGÊ, ÂNDUNI WÂ TÊEB YALGR DAARE.

Tõnd sên deeg soobã, Wënd tumda tõnd dūni wã pugê, t. d t. moon Koe-noogã

M neb sōmyã, m saam-biisi,

Mam kosame tɩ Tiugung tōrã vuund tēeb yalgr tuumɔd kāsenga oktoobr kiuugã wakato 2019 yuumde, sên na n yulê n tēeg Pap Benoa piig la nu soab sên yiis sebre (*Maximum illud*), yuum koabg roândã (Novãmr kiuug rasem 30 soaba, 1919yuumde). Pap Benoa 15 soaba sên tall bãngd yam-vēenem ningã paasa mam pãnga tɩ m bãng tɩ Tiugung tēeb yalgr tuum-pakrã toga ne manegre n paase, n maneg n wilg vēenega Koe-noogã maasmê, Tiugung sên tog n moone la a taas dūni wã, a Zezi Kirista sên ki la b vuuge, n fãag tõndã Koe-noogo.

Mam ründã kocẽgã gom-zug kell n yaa oktoobr tēeb yalgr tuumdã rēnda : *Tõnd sên deeg soobã, Wënd tumda tõnd dūni wã pugê, t. d t. moon Koe-noogã*

Oktoobr kiuugã puusga siglgu na n sōng-d lame tɩ d le tēeg d sên kê Kirista ne tēebã ningã tuum-pakre, tēeb ninga d sên paam zaalem sooba maasmê, tɩ bala Wënd kūun yuuda baoobo. Tõnd sên dog ne Wënd wala biig ne a ba wã, ka nin-yend soolem ye, yaa tõnd-n-so būmbu : tõnd lagengã ne Wënd sên yaa Ba, la Biiga, la Vuusem Sōngo datame tɩ d rɩ rogem noog ne d saam-biisi a taab fãa. Wënd kamb vuum kãnga pa būmb sên koosd ye. Tõnd ka belsde la d pa modgd ned ye, tɩ bala yaa arzeka d sên tog kō-d taaba, n wilg d taaba, n moon tɩ b wume : woto la tēeb tuumɔd vōore. Tõnd deega kūun kãnga zaalem, la d puut-a-la zaalem (Mt 10, 8), n da mong ned ba a yembre ye. Wēnnaam datame tɩ neba fãa paam fãagre, n bãng sɩda la Wēnnaam nimbãan-zoeer kūuna Tiugung maasmê, Tiugung sên yaa ānduni wã fãagr kaseto (1 Tm 2, 4 ; 3, 15 ; Konsil Vatikã 2, Lumen gentium, n.48).

Tiugung tumda dūni wã pugê : tõnd bãngda būmb fãa ne zemesgo a Zezi Kirista tēeb pugê, sên kute tɩ d get dūni wã ne Wënd nini la b sūur nonglem; saagr pakda Wēnnaam vuum sên kōn sa soc tɩ dut-a yōod sɩd-sɩda ; tõnd paamda taab sōngr tuumɔd yōod reng-n-lẽmbga, sakrema rãmba pugê la saam-biir nonglem pugê ; dẽ n tuusd tõnd n kēesd dūni wã wee-vuus-a naasã pugê tɩ d tɩ moon koe-noogã (Mi 5, 3 ; Mt 28, 19 ; Tv 1, 8 ; Rm 10, 18). Tiugung sã n dat kēng dūni satmê n tɩ moon koe-noogã, rēndame t'a sak n tekd-a sūuri, n dukd tēeb tuumɔd yam-sōngo, daar la wakat fãa. Nin-sōama wusgo, pagb la raopa kōta tõnd tēed kaset sōngo, n wilgd tõnd tɩ būmb fãa lebga faasga ne sên tara tēeb tuumɔd sūuri la nimbãan-zoeere, sên tusd Tiugungu t'a kēnd zīis fãa ne nonglem sūuri, n kōt a menga zaalem la a sakd namsg buud fãa (2 Ko 5, 14-21)! Bɩ ned ning sên moonda Wēnde, sɩd yɩ Wënd neda !(*Maximum illud*).

Yaa tuum-pakre sēn tat tōndo : mam yaa tēeb tumtumda daar fāa ; fo yaa tēeb tumtumda daar fāa ; sēn deeg a soob fāa yaa tēeb tumtumda. Nonglem sēn pid ned ninga fāa sūuri, a soab pa tōe n zīnd zi-yeng ye, būmb n tusda n yīisd yunga, n takd-a tū yē me takd-a taaba, n kōt-a meng a to, la a lagemd a meng ne a taaba n pukd vuum noogo. Ned ba a ye ka zaalem, n pus n ka tar yōod Wēnd nonglema pugē ye. Tōnd ned-kam fāa yaa tēeb tumtumda dūni wā pugē tū bala a yaa Wēnd nonglem biiga. Ba m ba la m ma maand zāmb nonglem pugē, ne zirē-beedo la beem tugbu, la b ka pidsd b kāabgo, Wēnnaam yē pa yaad ne vuum kūun ye, b ratame tū daar la wakat fāa, b b biig fāa paam bāmb wēndlema vuum sēn kōn sa pugē (Ef 1, 3-6).

D paamda vuum kāngā ne soobo, soobā n kute tū tōnd tēed t'a Zezi Kirista tōoga yel-wēnd la kūuma; soobā n kute tū d le maneg n lebg Wēnnaam wēnego, la a kēesd tōnd Kirista Yīngā sēn yaa Tiugungā pugē. Woto kutame tū lebg pakre tū d deeg soobo n paam fāagre, tū soobā n kōt kaseto tū d yaa Wēnnaam kamba, zīig la wakat fāa, la d pa kulbse, sāamba b yem-daado d Ba a Wēnd zakē wā ye. Sakrema sēn pukd būmb ning vēenega kiris-ned vuum pugē, būmb zānga, Ekaristi sakrema yaa Wēnd boole la b raabo sēn na n yulē tū ned fāa paam sū-tekre la fāagre. Soob sud yaa Wēnd kūuna kāabg pidsgu sēn kute tū ninsaal lebg Wēnd biiga Kirista maasmē. Tōnd yaa d tēng zug ba-rāmb kamba, la ne soobo tōnd paamda baamdo la maamd hakuka : Wala a Sūpryē sōng sēn yeele : Ned ka tōe paam tū Wēnd lebg a Ba, a sā n ka reeg Tiugungu wala a Ma ye.

Woto, tōnd tēeb tumdā kuda yēgna Wēnnaam baamdā pugē la Tiugung maamdā pugē tū bala Kirista sēn tum b tumtumdba dūni pugē b vuugrā poorā tūuda soobā maasmē : wala m Ba sēn tum maama, mame tumda yāmba ne a vuusem Sōng pānga dūni wā sugr kūun yīnga (Zā 20, 19-23 ; Mt 28, 16-20). Kirs-ned deegda tumd kānga sēn na n yulē tū ned ba a ye da kong Wēnd bool sēn dat t'a lebg Wēnd bi-nokre ye, la a paam waoore la yōodo sēn tog ne adem biiga, hal a vuma sungrē n tū tāag Wēnd sēn na n wa bool-a a kūum wakato. Dūni wā vuum zēbo sā n wa lebg Wēnnaam Baamdā tōdgr vēenega d buud-manesem pugē la d vuma nao-kēndre pugē, woto na n waa ne babiir vuum waoog-taab pugē sāoongo. Sā n ka tū ne a Zezi Kirista Wēndā, neba na kiska taaba tū b pa wēnd taab ye, la ned kōn le tōog n deeg a to wala a saam-biig ye, adem biisā me kōn le tōog n dū lagem-n-taar yōod ye.

Fāagr kūun ninga Wēnd sēn kōt neba fāa a Zezi Kirista maasmē wā kutame tū Pap Benoa 15 soaba dat tū d da pag d sūuri n baood d tēnga la d buud manegre bal ye, la Koe-noogā moaandb da saag n zems ne tēns nins sēn baood-b n na n soog tēns a taabā, n paam n zē b arzeka la b tilg b soldaas sika ye. Pap Benoa 15 soaba sebra pugē *Maximum illud*, b tēegdame tū Tiugung sēn tumd Wēnd yuur yīng neba fāa sōngr yīngā, tēeb tumtumdba tog n basa b buud la b ba-yiri, n yi n kēng zīig fāa dūni wā pugē. Yaa ne yamleoogo la ninsaalb rog-n-mik la ninbuiidā

tog n deeg a Zezi Kirista sēn wa ne fāagr ningā. Rūndā zugā Tiugung ket n baooda pagb la raopa, sēn na n sak b soob kāabg yīnga, n bas b zagse, b buudu, b ba-yiri, b buud goama la b ba-yir Tiugungu, Koe-noogā mooneg dūni wā pugē yīnga. B tūmd-b la ninsaalba fāa sūka, dūni wā pugē, dūni ningā sēn nan ka paam tek-sōngo, a Zezi Kirista sakrema rāmbā maasmē, la Tiugung sōng pugē. Ne Wēnd Gomdā moonego, Koe-noogā kaset kūuni, la ne a Vuusem Sōng puusgo, tēeb tūmtūmbā moonda sū-tekre, n kōt soobo la Kirista fāagr kūuna, ned -kam fāa burkindlim waoogr pugē, n sōsd ne rog-n-mik rāmbā la Wēnd-tūudum a taabā neba. Koe-noogā mooneg zamaana pugē sēn ket n yaa Tiugung tūm-pakre, na n sōngame tū kiris-neba tekd b sūur daar la wakat fāa. B sā n dat tū tēeb yalgr tūmdā ta dūni wā wee-vuus-a naasā satmē, rendame tū tēeb tūmtūmbā kūs sūda ne a Zezi kūum la b vuugrā, n sak koe-noogā moonego b soob-kāabga yīnga, n sak n yi n bas b tēnga, b meng buud manesem la b zagse, n tōog n fāag nebā ne yel-wēnde la ne wēng buud fāa, ned fāa sūurē la nimbuiida vuum pugē.

Tēeb yalgr tūmda yell sēn kell n seg ne sunood ninga d sēn na maan Amazoni Tiugung yīngā, m bēta renda n togsd n yulemdē, tū tūmd ninga a Zezi sēn puus tōnd ne B Vuusem Sōng kūuna, ket n yaa pakr rūndā, Amazoni tēnse la b nimbuiidā sōngr yīnga. Pentekot paalga n pak Tiugung kuulense sēn na n yulē tū rog-n-mik ba a yembr da yōd a meng ye, la soolem ba a ye da ning a meng kēeng ye, b fāa pak b vuuma n deeg lagem-taab tēebā. Bū ned ba a ye da yōd a menga, n maand wala a buuda vuum la a wēnd-tūudma sek-a lame ye. Kirista Pakā kell n paka dūni wā toosā fāa, wēnd-tūudum buud toor-toorā fāa la rog-n-mik buud toor-toora fāa, n dat tū b bū, zu-zēkre la a burkindlim pugē n tōog sak n kē Soaalā sēn vuug n wa ne sūd ningā wā pugē, tū yē bal n kōt ninsaalba fāa vuum hakuka.

Būmb ning sēn wat mam yamē, yaa pap Benoa16 soab gom-kāensā tōnd sēn n seg taab Brazil vuumd 2007 wakato : « Sak n deeg kiris-neba tēeb dat n yeelame tū bōe Karayib la Amerik latiin dāmb vuum pugē ? Sā n yaa ne bāmba, woto rat n yeelame tū b bāngame la b sak n deega Kirista, Wēnd ninga b sēn da ka mi-a soabā, tū b yaab-rāmbā yaool n da babendē n baaođē, b rog-n-mika wēnd-tūudum pugē. Kirista la Fāagd ninga b sēn da baood b sūurā pugē wā. Woto le rat n yeelame tū soob koom pugē b reega Wēnnaam vuum n lebg Wēnd kom-nokdse ; woto rat n yeelame tū b le paama a Vuusem Sōngo tū b wa bal b rog-n-mikā n yul-g-a, n kō-a vuum la b puk bōn-bula la bōn-buudu Wēnd Gomdā, sēn lebg nedā, sēn da bud b rog-n-mikā pugē n wēnemd-ba n tees Koe-noogā Wēnd Gomd sēn lebg ned, a Zezi Kirista pugē wā, kell n kēesa b meng ninsaalb buud manesem pugē, la b vuum kibar pugē. Woto wā, b sā n baood n na n welg neba ne Kirista la ne Tiugungu, sēn yaa Na-kēeb-zāngā, n lebs-ba b yaab-yaab rāmba wēnd-

tüüdma pugē, woto kōn toll n yl taoor kēnd ye, lebga poorē tarbo, tū bala yaa zamaan sēn loog pugbo ».

Tōnd dukda d Tiugung tēeb tuumdā n ningd-d Ma a Maryam Sōng nugē. Sūd me, b Biigā sēn lebg neda tēka, a Maryam Sōng lagma b meng ne b Biigā, n sung kēnde; b kēesa b meng zānga a Zezi fāagr tuumdā pugē, tū lebg bāmb meng tuum-pakre pika sēaga : wala Tiugung Ma, b sōngame n dog Wēnd kom-paalse a Vuusem Sōngo la tēebā pugē.

M dat n baasa ne pap tēeb yalgr tuuma, pap Benoa 15 soabā sēn da zoe n wilg b sebrā pugē (*Maximum illud*). Pap tēeb yalgr tuuma baodame n na n sōng Tiugungu, sēn yaa Na-kē-b-zāngā, t'a lebg wils ka tēka sēn tēeda n kēed zamaana zāng fāa pugē n sōng-d pap b tēeb tuum-pakra pugē ne puusgo, sēn yaa tēeb tuumdā vuum, la ne kiris-nebā taab-sōngr tuuma sēn yedg n kē dūni wā tōr pugē. Kirisineba kūun sōngda pap koe-nooga Tiugung sēn be tēns toē-toeyā pusē yīnga (Tēeb mooneg tuumde), pætr dāmb segl yīnga (Tumtumd a Piyær sōng tuumde), kom-bōonegā tēeb yalgr tuumd nekre dūni wā tōr pugē (Kom-bōonegā tēeb yalgr tuumde), kiris-neba seglgo tēeb yalgr tuumdā yīnga (Tēeb tuum lagem-taaba). Mam bee tuum bāmbā fāa poorē, la Wēnd na kute tū oktoobr kiuug Tēeb yalgr tuumdā, 2019 yuumdā, sōng tēeb yalgr tuuma sull-dāmba fāa tū b paam manegre n paase, mam tuumdā pāng paoosg yīnga.

M sikda m bark ne m sūur fāa tēeb tumtumdba fāa zutu, pagb la raopa, la neb nins fāa sēn kēesd b mens Tiugung tēeb tuumdā pugē b sooba yuur yīngā zutu.

Vatikā, sigr kiuug rasem a we, 2019 yuumde, Pāntekot kibsa.

PAP A FÂRENDOA

ROZƎƎR PUUSG SIGLGU NE B YŌODO

ROZƎƎR SŪ-NOOD YELA : Tēne la Sibri

- 1- Soaala Malēka wilga a Maryam sŏng tu b na n yu Wēnnaam Biiga Ma. RozƎƎr yela yŏodo: *sul-g-m-menga*
- 2- A Maryam sŏng dabda a Elizabet gesgo. RozƎƎr yela yŏodo: *saam-biir nonglem*
- 3- Fāagda rogem. RozƎƎr yela yŏodo: *yamleoog naongo*
- 4- B tall a Zezi n tu wilg pretr Wēndoogē. RozƎƎr yela yŏodo: *sakre la pu-peelem*
- 5- A Zezi yāab Wēndoogē. RozƎƎr yela yŏodo: *Wēnd baoob būmb fāa pugē*

ROZƎƎR VĖNEGR YELA : Lamussa

- 1- A Zezi soob reegre. RozƎƎr yela yŏodo: *Sŏmblem kūuna*
- 2- Kana tēng yikāadem. RozƎƎr yela yŏodo: *bas-m-yam Wēnd raab maooneg pugē*
- 3- Wēnnaam Riungā moonego la yel-wēna tuubgu. RozƎƎr yela yŏodo: *sū-tekre la sŏmblem baoobo*
- 4- A Zezi neng tedgre. RozƎƎr yela yŏodo: *Wēnd waoogre*
- 5- Vlum sēn kŏn sa Rulba kūuni Lamus sŏng daare. RozƎƎr yela yŏodo: *Vlund sakrema rāmbā neere*

ROZƎƎR NAMSG YELA : Talaato la Arzūma

- 1- A Zezi puusgo la b neng sobgre. RozƎƎr yela yŏodo: *d yel-wēna tuubgu*
- 2- A Zezi pābre. RozƎƎr yela yŏodo: *d yīngā la a wilsā subgre*
- 3- A Zezi zug gŏos teegre. RozƎƎr yela yŏodo: *d yama la d tagsgā subgre*
- 4- A Zezi zŭta b pika. RozƎƎr yela yŏodo: *maag-m-menga zu-loeesā pugē.*
- 5- A Zezi kūum pik zugu. RozƎƎr yela yŏodo: *nonglem kāseng a Zezi yīnga, Bāmb sēn ki tŏnd fāagr yīnga*

ROZƎƎR PĖGR YELA: Ārba la Hato

- 1- A Zezi Vuugre. RozƎƎr yela yŏodo: *tēebo*
- 2- A Zezi Arzān duubo. RozƎƎr yela yŏodo: *arzān saagre la a tulsem*
- 3- A Vuusem Sŏng sigbu. RozƎƎr yela yŏodo: *a Vuusem Sŏng sigbu d sŭsā pusē*
- 4- A Maryam sŏng kūum la b Arzān duusgo. RozƎƎr yela yŏodo: *kū-sŏng kūuni*
- 5- A Maryam sŏng pēgr Arzāna. RozƎƎr yela yŏodo: *a Maryam sŏng waoogre*

SÊN NA N YULÊ N VUUND TÊEB YALGR KIUUGÂ NEERE

Koes taoosgo la wilgri

Seb-kängâ yaa sên na n sōng-yā, Tēeb-yalgr kiuugā pūsg yīnga. Rasem a yopoe wā fāa pugē, daar fāa gomda Tēeb-yalgr Tuum-bed a naasā, a yembre yelle. B tūusa Wēnd Gomd n kō daar a yembr fāa, sên na sōng daarā pūsg buud toor-toorā yīnga. Pap Koεεgā bugsg tōe n yu Semend a nu soaba rēnda. Sōmbame tu Diyosεεz rāmba la paroaas rāmbā pusē, bu b tigs nebā n segl-ba : prētr dāmba, frēer-dāmba, masēer dāmba, karen-saamb dāmba, OPM tuuma yel-getbā la Tiugung Ro-bāoonesā, (CCB-rāmbā) neba. Sud togame tu tēeb-yalgr tumtumbdā reng n wum Pap Koεεgā vōore la b paam tuuma teedo. B tog n moona Tēeb-yalgr kiuugā bōn-buung (septāmr) kiuugā yaoolem dumaas rāmb a yiibā sasa. Tēeb-yalgr tuuma la a pūsgā sên siglā rukda zī-likr kiuugā tōre, t'a yāoogā yaa Ândūni wā Tēeb-yalgr Daarā.

Pap Koεεgā :

Segdame tu b lebg Pap Koεεgā ne buudā goam buud toor-toore, la b modg t'a saag zīg zānga, tu ādem-biisā fāa wum-a n yuud b sên na n karm-a vugr bala. Kiris-nebā na n tōog n du Pap koεεgā yōod n yuda, sān mikame tu b pu-a-la vugs wusgo, n karemdē la b vēnegdē. B tōe n sunga a kaorengo, zī-likr (Oktobr) kiuugā pipi dumaasā tek n tar n dabda.

Sapule pūsg la Meesā yelle :

Sên na yulê tu kiris-nebā wusg sak n kēes b mens tēeb yalgr kiuugā tuum pugē, d modg tu paroaas rāmbā sulā toor-toor kēes b mense. B sigl tu sull fāa buTiugung ro-bāoonesā maandē sapele wā pūsgo, bu n sigind meesā yul la a karendo n deesd taaba.

Kūunā : « *D sōng tu nebā wum a vōor sōama, tu ne sū-noogo, d na mikame tu sên wum-b a vōorā na n tumame tu ling-du* » (Msy Mariyus WEDRAOOGO).

Ligd-lobrā yelle : yaa manesem a yiibu :

Pipi soaba : Sên lobd daar fāa Sapule pūsgā wakatā

Paroaas rāmb wusg ruka miunung marsā, n lobd ligd daar fāa Sapule wā pūsg wakato, tēeb-yalgr tuuma yīnga. B maanda woto tu kiuugā tu sa.

Yiib soaba : Tēeb-yalgr Hat daar ligd lobrā :

Badaare, yaa tulae ne sên deeg-a Soob fāa, t'a kus a nug būmbu, Tēeb-yalgr tuuma yīnga ; woto a wilgdame, t'a yaa būmb a ye ne āndūni wā kiris-neb fāa. Badaar yesa, ba-rāmbā kō b kambā ligd tu b me tu ning leprē wā, tu rē

fāa yu zāmsgo ; n le paas me, fo sā n mi tu f pa na n tōog n zīnd Meesē wā, bu f tool f nug-būmb tu b tu sagl leprē wā !

Sēn paasde, fo tōe n duka f **namsgā** ne a toolmā n kō Wēnd tēeb-yalgr tuuma yīnga. Woto yaa kūun sēn tar yōod hal wusg Wēnd nifē. Neb nins sēn namsd b sugē, la b yīngē, tōe n tūnuga rē n lebg tēeb tumtumdba, b sā n bāng n duk b namsgā fāa n kō Wēnde.

Āndūni wā Tēeb-yalgr puusgā ra-kasēngā :

Badaar la kiuugā puusg yāoogo : b mao tu kiris-nebā fāa bānge, la b seglba, n vēneg-ba, ne tuuma teed toor-toorā sēn yiisā (seba, foto-rāmba, yulla, sīnima) ; b mao n segl badaar meesā, t'a yu sōama (yullā tūusgu, karendā, komantēer-dāmba la buud puusgā).

Ges-taab sēka :

Diyosēs pugē, paroaas-rāmbā tōe n yiime n tu ges taab la b sōs ne taaba; boto me, Paroaas pugē tēns ne taaba, sapell dāmb ne taaba, kolēs-rāmb ne taaba, bu tēeb tuum sulā ne taaba. B tōe n sigla sulā ne katesus rāmba la sulā toor-toore. Sēn na n yulē n sōng sōasgā, b tōe n sigla sokr-dāmba tēeb-yalgr hatā zugā, bu Pap Koēgā zugu.

ROĀNDA TĒEB YALGR KIUUGĀ TUUMA SIGLGU

Koe-noogā mooneg sullā tuuma siglgu Tiungung rotā sēn kumse.

1. D sigl tēeb so-togse, d tiungung rotā pusē la d paroaas rāmbā pusē.
2. D sigl sōasga d tiungung rotā pusē sēn kēed ne pap Benoa piig la a nu soabā koēgā zugu *Maximum Illud la tēeb yalgr kiuugā gom-zugā pugē.*
3. D sigl tēebā buusg tuuma, sēn na n sōng karen-biis nins-b sēn vu-b zu-loees pusē, wala kāadem zu-loeese la tēebā zu-loees a taaba, tu b tōog n paam tu b yell maneg zāng neTiungung.
4. D sigl tēeb yalgr so-togse nand tu tēeb yalgr dumaasā ka ta, bu tēeb yalgr dumaasā wakato

**ZI-LIKR KIUUGÂ PUUSGÂ NAO-KÊNDRE, D SÊN SEGD N TÛ,
D TIUGUNG RO-BÂOONESÂ (CCB RÂMBÂ) PUSÊ.**

- ◆ Yulle
- ◆ Pik makre
- ◆ Wënd gomde
- ◆ Daarã kosgo
- ◆ Têebo
- ◆ Tõnd Ba sên be arzânê puusgo
- ◆ M puusda yâmb a Maryam naoor a tâabo pap yînga
- ◆ Sûda, yaa yâmb n so naam.
- ◆ Yulle
- ◆ Daarã Rozêr yell togsgo
- ◆ Rozêr pipi yell togsgo.
- ◆ Yõod ninga sên be-a Rozêrã yell pugê ...
- ◆ Sapele biis piig puusgo
- ◆ Yulle
- ◆ Rozêr yel a yiib soabã togsgo...
- ◆ Yõod ninga sên be-a Rozêr yellã pugê ...
- ◆ Sapele biis piig puusgo
- ◆ Yulle
- ◆ Rozêr yel a tâab soabã togsgo
- ◆ Yõod ninga sên be-a Rozêrã yell pugê ...
- ◆ Sapele biis piig puusgo
- ◆ Yulle
- ◆ Rozêr yel a naas soabã togsgo...
- ◆ Yõod ninga sên be-a Rozêrã yell pugê ...
- ◆ Sapele biis piig puusgo
- ◆ Yulle
- ◆ Rozêr yel a nu soabã togsgo...
- ◆ Yõod ninga sên be-a Rozêrã yell pugê ...
- ◆ Sapele biis piig puusgo
- ◆ Yulle
- ◆ Pap koεgã (karemda vuk-vuka, n tâag kiuugã baoosgo)
- ◆ Yulle n paas ket (ligd lobre.)
- ◆ Wënd booll kiuugã puusgo
- ◆ Ânzelus bi yung puusgo

**TĒEB YALGR KIUUGÂ TUUMA SIGLGU
ZĪ-LIKR KIUUGÂ PIPI DAARE N TĀAG A RASEM A NU, 2019 YUUMDE.
TĒEBÂ MOONEG TUUMDE (OPF)
(LITIRZI)**

Maam ne a Zezi Kirista sēn v. Tiugungā pugē sēka : Ekaristi, Wēnd gomde, Maam
m yembr puusgo la lag-m-taab puusgo



A Polin Maar Zariko
(Fzy 1799 – 1862)
Tēeb yalgr tuumda viginda

A Polin Tuumdā yel-zut gila woto :

N sōng tu tēeb yalgr tuuma paam pānga ne puusgo, ne nug būmb kūuni, la ne
tēeba yēegr la a tumtumbā sōor la b sōmblem paoosg baoobo.

N ning Koe-noogā mooneg yamleoogo dūni zāng pugē, Wēnnaam buudā kamb fāa
yamē : b zagsē wā, Tiugung ro-Bāoonesā pusē, paroaas rāmbē wā, lekoll dāmbē
wā, tēeb yalgr sulā pusē ; woto, Diyosēsā tōr fāa na n paama yamleo-kānga.

N modg tu Wēnd dotā sōngd taab ne puusgo, ne nug būmb kūuni, la ne tumtumb
tumbo sēn na n yulē tu Koe-noogā ta dūni zānga.

Talaato, zī-likr kiuug pipi daare, 2019 yuumde : Tēebā mooneg tuumd yīnga

Wēnd gomde : Tv 1,8

*“Yaa pāng la y na n paame, a Vuusem Sōng pāngā n na n sig yāmba. Y na yu m
kaset dāmba Zeruzaleem, Zude, la Samari, n tāag dūni wā tēka”.*

Kosgo :

Neb nins fāa sēn maand-b tēeb-yalgre tuumdā yīnga, sēn na n yulē tu ne b
manesem sōng kaseto, bi sēn deega soob fāa bāng a tuum-pakr zamaana pugē

Ārba, zī-likr kiuug rasem a yiibu, 2019 yuumde : 2019-2020 tēeb yalgr tumdā yīnga

Wēnd gomde : Mt 28,20

“La y zāms-b tu b reeg būmb ning fāa m sēn wilg-y. Ade m na n paa ne yāmb, daar fāa, n ta dūni sēbo”.

Kosgo :

D puus tēeb yalgr tumtumdba fāa yīnga, tu Kirista kut tu b tumma wom biisi, 2019-2020 yuumdā tēeb tumdā pugē.

Lamusa , zī-likr kiuug rasem a tāabo, 2019 yuumde : Sōasga, Wēnnaam Nimbāan-zoeerā zugu

Wēnd gomde : Mt 9,13

“Kēng-y n tu zāms-y gomd kānga vōore: nimbāan-zoeer la m nong n yuud maongo. Ka nin-sōama wā la m waa n na n boole, yaa yel-wēn-maandbā”.

Kosgo :

D puus tu sōasgā b sēn sigl Wēnnaam nimbāan-zoeerā zugā baas neere, tu b sēn na n kums būmbg ningā, sōng buuda fāa tu b tall nimbāan-zoeer yam, wala Kirista sēn zāmsd tōndā.

Arzūma, zī-likr kiuug rasem a naase, 2019 yuumde : D Tiugung rotā la d parwaas rāmbā yīnga

Wēnd gomde : Zā 15,16

“Ka yāmb n tūus maam ye, maam n tūus yāmb, n tum-y tu y kēng la y wom biisi la y biis ra tol n sē ye”.

Kosgo :

D puus d Tiugung rotā la d parwaas rāmbā yīnga, tu b yu Wēnd gomdā kaset kūun zīisi, beoog beoog fāa.

Sibri, zī-likr kiuug rasem a nu, 2019 yuumde : D Tiugung ro-bāoonesā fāa yīnga

Wēnd gomde : Tv 2, 46-47

“Beoog sēn vēeg fāa b ra kēnda wēnd doogē. B zagsē wā la b da rut lagem taab rulbā la ra yaa sū-noog ne sū-noogo tu zoe nif ka n gudgd sud pukri ye. B ra tara Wēnd pēgre la neba taaba me ra waoogd-b lame. Beoog sēn vēeg fāa, Wēnd sēn fāag b rāmba da wat n paasda Tiugunga sōore”.

Kosgo :

D puus d Tiugung ro-bāoonesa fāa yīnga, tu b yāg ne Koe-noogā sū-noogo.

ZÎ-LIKR KIUUG RASEM A YOUBE N TÂAG A RASEM PIIG LA A YIIBU,
2019 YUUMDE.
KOM-BÂOONEG TÊEB YALGR TUUMD YÎNGA (OEM)

Têeb yalgr tuumdã nonglem



MOSCYÊER SARL DE FORBÊ-ZÂNSÔ
FZY 1785-1844
KOM-BÂOONEGÂ TÊEB TUUMDA VIGINDA

Kom-bãoonegã Têeb-yalgrã Tuumd Yel-Zutu

Kom-bãoonegã tēeb yalgr sullā kelgda būmb nins fāa sēn kēed ne kambā vuum wēengē.

Sull kānga tuumd yaa a sōng n ges kom-bãoonegã vuum yelle. Woto segdame tu b

- Sōng tu Sullā vigl la a ta zīis fāa;
- Sōng tu tēeb yalgr tuum nins sēn da zoe n sung ne kambā kēng taoore ;
- Sōng tu kambā tall kō-m-meng zānga la put-ne taab miunung yam-sōngo .
- Sōng kambā tu b paam tēeb yalgr tuuma yam-sōngã.

Hato zī-likr kiuug rasem a yooBE, 2019 : Kom-bãooneg tēeb yalgr tuumd yīnga

Wēnd gomde : Tv 20, 24

“Sā n ya ne maam, m yaool n ka get m vuma wa būmb sēn tar yōod ye. Sēn pak maam yaa m vuma, yaa m tuumda baas neere, tuumd ning Soaala Zezi sēn kō-ma. La b tuumna yaa m yu Wēnd kūun kāsenga kaset soaba, b Koe-nooga moanda”.

Kosgo :

D puus kom-bāoonegā tēeb yalgr tuumdā yīnga t'a kell n yu tēebā tuum-teoogo kamba fāa sēn be dūni wā pugē yīnga.

Tēne, zī-likr kiuug rasem a yopoe, 2019 yuumde : soob sakrema kūuna nekre kambā nengē

Wēnd gomde : 1 Tm 1,18-19a

“Ad-m sēn yet tu f gūus ne būmb nīnga, m biig a Timote, la zī kanga m zemsa ne bāngra goama sēn da yiis f poorē al daar zāra, tu f tog n maan tēegre la f zab zab-sōngā, ne tēeb la f pu-peelma”;

Kosgo :

D puus kamba yīnga, tu b tall yam sōngo n tōog n puk b soob sakrema kūuna yōodo.

Talaato, zī-likr kiuug rasem a nii, 2019 yuumde : Kom-bāoonegā kēes-b-mens zāng sullā toor-toor pusē

Wēnd gomde : Lk 10,1

“Dē poore Soaala le tūusa karen-biis pisopoe la a yiibu n tum ba tu b reng bāmb taoore, b yiib-yiibu, zīis fāa la tēns nins fāa bāmb meng sēn dag n na n kēngē”.

Kosgo :

D puus kamba yīnga tu b kēes b mens zāng n paase, sullā toor-toor pusē n tōog n lebq tēeb tumtumdb hakuka, b tūud-n-taasā suka.

Ārba, zī-likr kiuug rasem a wē, 2019 : Kambā na paam kiris-nedemdā wub-sōng zagsā pusē

Wēnd gomde : Ef 6,4

“La yāmba, ba rāmba, da yu-y toog tu loog ne y kamba ye; guul-y b neere ne subgr bu saglg sēn tūud Soaala raabo”.

Kosgo :

D puus ba-rāmba yīnga sēn na n yulē tu b kō b kambā kiris-nedemdā wub-sōngo zagsā pusē.

Lamusa, zĩ-likr kiuug rasem piiga, 2019 yuumde : Kamb nins-b sēn yāt-b namsgo b tēebā yīnga

Wēnd gomde : 2Tm 1,8

“Da zoe yānde ne kaset ninga fo sēn tog n kō d Soaala ye; da zoe yānd ne kaset ning f sēn tog n kō maam me sēn pag roog a ye; sak bal n deeg toog ne maam, Koe-nooga yīnga. Ad Wēnd n sōng tōnd ne b pānga”.

Kosgo :

D puus kamb nins sēn namsg b tēebā yīngā, tu b tall raodo b kiris-nedēmdā vum kaset kūun pugē.

Arzūma, zĩ-likr kiuug rasem piig la a ye, 2019 yuumde : kom-bāoonegā sullā na tall lag-m-taab yam, tēeb yalgr tuumdā pugē

Wēnd gomde : 1 Ko 1, 10

“M pēdgd-y lame, m saam-biisi, tōnd Soaal a Zezi Kirista yuur yīnga, tu y zems y moora ne taaba tu welgr da kē y suk ye. Sog-y taaba n vuund yam yēnga, la tagsg yēnga”.

Kosgo :

D puus kom-bāoonegā sullā fāa yīnga, tu b tall lag-m-taab yam, kambā tēebā vum buusg yīnga.

Sibri, zĩ-likr kiuug rasem piig la a yiibu, 2019 yuumde : Kom-bāooneg tēeb yalgr tuumdā getb yīnga

Wēnd gomde : Tūt 2, 6-7

“Sagl kom-buuba neere tu b gūus ne yirbg buud fāa. Fo meng nengē la b na n yāend vum sōng sor n duke, tu f zāmsg tūda sūda, tu f waoogda f menga”.

Kosgo : D puus sēn getb kom-bāooneg tēeb yalgr tuumdā yīnga, tu b paam raod n kō-b-mense, n kell n kō kambā togs-n-taar sōngo.

ZÎ-LIKR KIUUG RASEM PIIG LA A TÂABO N TÂAG A RASEM PIIG LA
WE, 2019 YUUMDE.
TUMTUMD A PIYËER SÔNG TUUMDÂ YÏNGA (OSPA)
(KASETO)

*Kaseto : nin-sôama wă, sên daag b zuum b tēebă tuumđ yĩngă la tēebă
mooneg gāndaado*



*A Zann BIGARD
Fzy 1859 – 1934
Tuum-tumđ a Piyëer Sông Tuumđă Viginda.*

Tuumđă Yell Zugu

D sên baood rûndă, yaa d vĕneg kiris-nebă tu b sŏng ne puusgo la ne b
nug-bũmb kũuni, prĕtr dămbă la tēeb yalgr tumtumbă făa seglg yĩnga.
Tēeb tumtumbă sŏor paoosg tũuda zămsg Semineer dămbĕ la guulg
zagsĕ; segdame tu b mao n sŏng kiris-nebă tu b wum rĕ vŏore neere, la b
luus b toog ne puusgo la ne b nug-bũmb kũuni prĕtr dămbă seglg yĩnga.
Yaa Tiugung Rot nins-b sên na yaool n băng-b Kirista soră yĩnga.
Sud me, Pap Gregoaar 16 soab tĕka, sên pugl-bă făa wunga ne Semineer
dămbă meebo, prĕtr dămbă sŏor paoosg yĩnga. La kato ! Tēeb yalgr tuuma
Sull kăsĕngă sên boond tu « Propaganda Fide » wă, la tĕn-zăorgĕ dămb
Evĕk-rămbă da pa tar ligd tuum-kăng yĩng ye.

Hato, zî-likr kiuug rasem piig la a tăabo 2019 yuumde : sên deeg-b soobă
tēeb kaset nekre, martur dămbă kaseto la b sũ-keelem maasmĕ

Wĕnd gomde : Tv 4, 19-20

*“ Dĕ me la a Piyëer la a Ză leok-ba: «Yămb n na n ges la y togs-do să n
ya sŏmbo Wĕnnaam nifĕ tu d deeg yămb noore n yaool n tŏdg bămb
dĕnda? Să n ya tŏndo, tŏnd yĕ ka tŏe n ka moon d sên yăend la d sên
wum ye”.*

Kosgo :

D puus neb nins fāa sēn deeg-b soobā yīnga, tu martuur dāmbā sēn sak n daag b zūm b tēebā kaset yīnga, bu b me tōog n kō b tēebā kaseto, b sēn vl zīig ning fāa.

Tēne, zī-likr kiuug rasem piig la a naase, 2019 yuumde : Kiris-nebā zags kaset sud kūuni

Wënd gomde : Mt 5, 13

“Yāmb yaa mooga yamsem. Yamsem sã n sãbge, bõe n tõe n le wa ne a noosem? A ka le be yōod ye la a sēn tog yaa b lob-a yunga tu neb tabe”.

Kosgo :

D puus kiris-nebā zags fāa yīnga, tu b vl tēebā kaset kūun ziis hakuka

Talaato, zī-likr kiuug rasem piig la a nu, 2019 yuumde : D Tiugung ro-bāoonesā na tall vum la b kō vum sōng kaseto

Wënd gomde : Tv 2, 44.46

“Tēedba da rukda b sēn tar fāa n fāoogd taaba. Beoog sēn vëeg fāa b ra kēnda wënd doogē. B zagsē wā la b da rut lagem taab rubā la ra yaa sū-noog ne sū-noogo tu zoe-nif ka n gudgd sud pukri ye”.

Kosgo :

D puus Tiugung ro-bāoonesa yīnga, tu ne saam-biir vuuma kaseto, bu b kō Koe-noogā Fāagr kaset hakuk ne yēesem, d zamaana pugē

Ārba, zī-likr kiuug rasem piig la a yoohe 2019 yuumde : Kom-bulb nins sēn be-b Wënd boollā sor zugā tēeb na kl yēgna

Wënd gomde : Yl 119, 9

“Bi-bug rat t'a kēnd vl turga, bu a reeg Soaala noor”.

Kosgo :

D puus kom-bulb nins sēn be-b Wënd boollā sor zugā yīnga, tu ne Wënd gomdā vëenegre, bu b bao Soaala ne b sūur fāa, n tōog n bāng-b neere, n nong-b wusgo, la b tum ne b sūur fāa Soaala yīnga.

Lamusa, zĩ-likr kiuug rasem piig la a yopoe 2019 yuʉmde : kamb nins fãa sēn be-b guulɔ zagsē wã yam nekre tēebã tuʉmd yĩnga

Wēnd gomde : Ef 4, 1b

“M yōkd y sɛɛga, tɪ y mao n vuunde wa sēn boola yãmba sēn date”.

Kosgo :

D puʉs sēn segend b mens n na lebg prɛtr dãmbã, frɛɛr la sɛɛr dãmba, la karen-saam dãmbã yĩnga, tɪ tēeb tuʉmdã yamleooɡ kē-b sūurē zãnga, tɪ b tōog n kō kiris-nedemdã vuʉm kaseto.

Arzūma, zĩ-likr kiuug rasem piig la a nii, 2019 yuʉmde : Tēeb tuʉmtuʉmdba vuʉm sōng kaseto kūuni, zamaan ninga sēn baooda Wēnd hakuka pugē

Wēnd gomde : Zã 13, 34-35

“M kōt-y-la no-paalga: «Nong-y taaba ; wala m sēn nong yãmbã, yãmb me nong y taaba. Neba fãa na n bãngame tɪ y yaa m karen-biisi : y sã n tar nonglem ne taaba”.

Kosgo :

D puʉs Tēeb tuʉmtuʉmdba fãa yĩnga, tɪ b vuʉma puk Koe-noogã vēenem, dūni ninsaalba fãa gill yĩnga.

Sibri, zĩ-likr kiuug rasem piig la a wɛ, 2019 yuʉmde : Neb nins-b sēn teendb Wēnd boollã kō b mens zãng n paase

Wēnd gomde : 1 S 3, 8d-9a

“Dē marsã la a Eli yaool n bãng tɪ Soaala-Wēnd n da boond biigã. T'a yeel -a: «Kēng n tɪ gãnde; la b sã n le bool-fo bu f leok : “Gom-y wɛ, Soaala, tɪ yãmb rakōora kelgdame ”»”.

Kosgo :

D puʉs neb nins-b sēn teend-b Wēnd boollã yĩnga, tɪ b tuʉm ne b sūur fãa n nek la b teel Wēnd-bool kamb wusgom tɪ b wa tōog n lebg prɛtr dãmba, frɛɛr la sɛɛr dãmba la karen-saamb dãmba.

**ZĪ-LIKR KIUUG RASEM PISI
N TĀAG A RASEM PIS-TĀ LA A YEMBRE, 2019 YUUMDE.
TEEB TUUMD LAGENG SULLA YĪNGA (UPM)
(LAG-M-TAARE)**

Tēebā tuumd zāmsgo: Sebr sōngo, Katesēz, tēebā vuum la tēebā bāngr zulgri.



**ZU-NOOG SOAB A PAOLO MANA
Tiugung Pe-kumes Sullā Viginda
FZY 1876-1952**

Tiugung Pe-kumes Sulli :

Sōng pretr dāmbā, frēer dāmbā, masēer dāmba, tu b yēeg la b zulg bāngr tēeb yalgr tuuma poorē, n tōog sūd sōng Wēnnaam Buudā neb ne zemsgo. Sēn vigl-a Sull-kāngā bāngame tu b sā n tōog n tigim pretr dāmbā n kēes-b tuumdē wā, yaa Wēnnaam Buudā neb la b paam n kēes tuumdā pugē. Vigindā raabā, yaa a sōng tu Semineer dāmbā Karen-saam dāmb tall yam-sōng kānga.

Hato, zī-likr kiuug rasem pisi, 2019 yuumde : Pretr dāmb la pūlemdb nins sēn yaa b kom-buubā yīnga

Wēnd gomde : 1 Tm 4, 12.14

“Ned da paog-f tu f yaa yāag ye. Kō tēedba fāa togs-n-taar sōngo, ne f goama, ne f vuum, ne f nonglem, ne f tēebo la ne f pu-peelem... Da bas yīngr kūuna t’a maag ye. Yaa kūun ning f sēn paame, bāngr sēn waa n lvi suka tu kāsēm-dāmba me lagem taaba n dtk b nus n tik f zugā”.

Kosgo :

D puus Pretr dāmba la Pūlemdb nins sēn yaa b kom-buubā yīnga, tu Soaala kō-b noor sakr yām la sū-keelem, tuumd ning b sēn kō-b meng zāngā pugē.

Tēne, zī-likr kiuug rasem pisi la a ye, 2019 yuumde : Tēeb tumtumdb nins-b sēn yāet-b namsgā yīnga

Wēnd gomde : Mt 5, 11

“Yāmb la sū-noog rāmba b sã n wa tuusd-y la b namsd-y la b rôt-y rōadg buud fāa mam tūudma yīnga”.

Kosgo :

D puus tēeb tumtumdb nins sēn yāet-b namsgā yīnga, tū Kirista sēn yānd namsgā yī b raodo, b kūs-sūda, la b tumdā biis yēgre

Talaato, zī-likr kiuugā rasem pisi la a yīibu, 2019 yuumde : Prētr dāmbā ne frēer la sēer dāmbā sēn yāet-b zu-loees b tumdā pugē yīnga”.

Wēnd gomde : Iz 49, 15-16a

“M sok n gese: pag tōe n yīma a biiga a sēn yēsem bu? Pag tōe n kiswa biig sēn dog a pugē bu? La rē sã n da beē, mam yē kōn yīm f yell abada. ¹⁶ Gese Siō, m gulsa foom m nuga puga, f tēnga lalse la m nina karg n getē”.

Kosgo :

D puus Prētr dāmbā, frēer la sēer dāmbā sēn yāet-b zu-loees b tumdā pugē yīnga, tū Kirista sēn yaa tumdā Soabā kō-b pāng la raodo.

Ārba, zī-likr kiuugā rasem pisi la a tāabo, 2019 yuumde : Prētr dāmbā ne frēer la sēer dāmbā na tall yam-a ye la sūur-a ye, b tumd-n-taara pugē

Wēnd gomde : Zā 17,21

“M puusdame tū b fāa wa yī būmb a ye. M Ba, wala yāmb sēn be m pugē tū mam me bee y pugē, bu bāmb me pa d pusē, tū dūnya wa tē tū yāmb n tum maam”.

Kosgo :

D yōk puuga Soab sēega, tū B ning prētr dāmbā, frēer la sēer dāmbā sūur pugē, Bāmb nonglem la B nimbāan-zoeerā kūuna, tū b naag taab n tum n bao b mens sōmblem, la b saam-biisā fāagre.

Lamusa, zī-likr kiuugā rasem pisi la a naase, 2019 yuumde : Tēeb tumtumdbā deegre nimbuiidā soka

Wēnd gomde : Mt 10,11

“Y sã n kē tēn-bil bu tēn-kāsenga, bu y kos tū b wilg-y nin-sōng zaka tū y yōg gāag -sobend be, n ta y loogr daare”.

Kosgo :

Tēeb tumtumdba fāa yīnga, tū b paam tū b reeg-b neer tēebā tuumd zīīgē tū b tōog n kō b mens zānga, tū Koe-noogā saag zīīg zānga.

Arzūma, zī-likr kiuugā rasem pisi la a nu, 2019 yuimde : Pretr dāmbā la Pulembā sēn vū kuolem pugē yīnga

Wēnd gomde : Yl 92,15-16

“A sā n kuul me, a ket n womda biisi, a ket n pida ne vūm la pānga. Dē me n kōt kaseto tū Wēnde, m pīga pida ne zemsgo, la b ka sak goaleng ye”.

Kosgo :

D puus pretr dāmba, frēr la sēr dāmbā sēn vū-b kuolem pugē yīnga, tū Kirista paas b keelem la b raodo, tū b vūma tōr pugē, b b kēll n moondē yel-bān nins Wēnd sēn maan bāmbā yīnga.

Sibri, zī-likr kiuug rasem pisi la a yoobe, 2019 yuimde : Tēeba Tuumd Lageng sullā yīnga (UPM)

Wēnd gomde : Mt 20, 4

“t’a yeel-ba: Yāmb me kēng tumda tū m na yao-y wa sēn segde”.

Kosgo : Tēeb-Tuumd Lageng sullā yīnga t’a kēll n tum n nek tēeb yalgr tuumdā sūuri Koe-no-moaandba fāa yīnga.

Hato, zī-likr kiuug rasem pisi la a yopoe, 2019 yuimde : Frēr la sēr dāmbā bas tū Wēnd gomdā tek-ba

Wēnd gomde : Zā 15,5

“Maam la bugsuntun-sōngā tuga, yāmb la wila. Sēn paad-a ne maam, tū mam me paad ne a soaba, yē womda biis wusgo, la y sā n ka lagem ne maam, y ka tōe n wom biis ye”.

Kosgo :

D puus frēr la sēr dāmba yīnga, tū b paam pāng tū seke, Ekaristi la Wēnd gomdā pugē, n tōog n tum tēeb yalgr tuumdā na kēng taor yīnga.

Tēne, zī-likr kiuug rasem pisi la a nii, 2019 yuimde : Kiri-nebā zags yīnga

Wēnd gomde : Bs 7,1-5

“Soaala-Wēnd yeela a Nowe: «Kē koglga puga, foo ne f zaka fāa tū m yāeeme tū foo bal la nin-turga zamaana puga. (...) Soaala-Wēnd sēn yeel a Nowe t’a maan būmb ninga fāa, a maan-a lame”.

Kosgo :

D puus kiris-neba zags yīnga tu ne b vuum sōngā kaseto, bu b yu nonglem la sōmblem zagse.

Talaato, zī-likr kiuug rasem pisi la a we, 2019 yuumde : Tiugung Katolik sōng sulā toor-toor neb yīnga

Wënd gomde : Tv 4,32

“Ne b sōora sēn da lebg zembalā, tēedba ra yaa yam a ye la sūur a ye. Ned da ka tar būmb n yet tu yaa a rēnd ye. Būmb fāa ra yaa b fāa soolem”.

Kosgo :

D puus Tiugung katolik sōng sulā toor-toor neb yīnga tu b tall saam-biir yam bāmb ne taab suka la b yu Koe-noogā mooneg tumtumdb hakuka, dūni wā tōr pugē.

Ārba, zī-likr kiuug rasem pis-tā, 2019 yuumde : Pretr dāmbā, Frēer la sēer dāmba yīnga

Wënd gomde : Mt 28,19-20a

“Kēng-y, kut-y tu mooga ninsaalb buud fāa lebg m karen-biisi, n kōt-b soobo: Ba la Biiga la Vuusem Sōng yuur yīnga, la y zāms-b tu b reeg būmb ning fāa m sēn wilg-y”.

Kosgo :

D puus pretr dāmbā, Frēer la sēer dāmbā yīnga tu wala pipi kiris-nebā, bu b tall raoodo n dug n ta ko-suka, Koe-noogā mooneg yīnga.

Lamusa, zī-likr kiuug rasem pis-tā la a yembre, 2019 yuumde : Pap Tēeba Tuumd Lageng sullā taor kēnd yīnga

Wënd gomde : Zā 14,12-13

“Sud-suda mam yeta yāmba tu sēn tēed-a maam, a me na n maana tuum nijns m sēn maandā, la a pud n na maana sēn yud rēnna tu m dabda m Ba nengē. La yāmb sēn na n kos m Ba būmb ning fāa m yuur yīnga, m na maane, tu m Ba paam pēgr b Biig maasmē”.

Kosgo :

D puus tu Pap Tēeba Tuumd Lageng sullā tum n nek tēeba yalgr sūur n paas Tiugungā pugē tu sēn deeg-b sooba fāa tik taaba, Koe-noogā mooneg yīnga.

ZÍ-LIKR KIUUGÂ RASEM PISI, 2019 YUUMDE, HAT DAARE. ÂNDÛNI WÂ TÔR TÊEB YALGR DAARE.

Singr Koëga :

Kirista buud neba m saam-biisi,

Ründã, yuumd pugê dumaas pisi la a wê soabã, Tiugung Katolik sên be zîig zâng maanda ândûni wã têeb yalgr daar pis-wê la a tâab soaba. “ *Bu y kêng dûni fãa pugê, n zâms neb kiba-noogã.* ” (Mk 16,15). Yaa tum-kânga la Kirista puus B Tiugungã, la yaa sên deega soob fãa tum-pakre. Dê n so, tu d naagd Tiugung sên be dûni tôr pugê, n maand kiu-kâseng kânga, Pap Fârensoa sên kô noore tu d maane, tu Têeb yalgr Tuuma sullã sên be Burkina la Nizêr têegd tondo ne gom-zug kânga n wilgdê tu têebã kaset kûun yaa yâgbo: “ **Tônd sên deeg soobã, Wënd tuma tônd dûni wã pugê, tu d tu moon Koe-noogã!** N'yêe, Kiris-ned hakuk kôta Kirista kaseto a sên vu zîig ninga. Ründã Wënd koesã datame, tu d bugs n bâng d soobã vóor neere, la d maan d tum-pakre d soobã vum pugê. M saam-biisi, “*Tiugung ka be bumb a to yînga tu sã n ka Koe-noogã mooneg yînga.*” D zamaana yaool n ket n tara Kirista Fâagrã ko-yuudu. D kos Wënd mees kânga pugê, sũ-noog vum Kirista têeb pugê, la raodo n tóg n maan d tum-pakre Koe-noogã mooneg pugê, d sên vu zîig ning fãa.

KOSGO :

Wênnaam, yâmb sên sik vëenem sud dûni pugê, n sak n kô-a yâmb meng Biiga, bu Y kell n sudg ninsaalbã, yâmb Vuusem Sõngã, sên wat ne sud bôn-buudu; bu B sudg suda bôn-buudu âdem biig fãa sũurê, n nek a téebo. Bu neba fãa le maneg n dog sooba ye pugê, n lebg buuda yembre, Kirista pugê. Bãmb sên vu la B rut naam hal zamaan ne zamaana...

Pipi kaorengã Tuusgo :

D sên deeg soobo a Zezi Kirista la a Vuusem Sõng maasmê, Wënd pekda tond zângã, n kôt-d sũ-paalle la yam-paalle. D kelge

BÂNGD A EZEKIYELL SEBR KAORENGO : Ez 36, 23-28

Ne y sên paoog maam bãmb taorã, m na wilg-ba, ne m sên na n maan y yîngã, tu maam la Na-kâseng, Na-Sõngo, Naaba-Wênde. Yaa maam n gomda. M sã n wa yiis-y buud ninsi la têns nins y sên be rûnna wã, m na n tigim-y lame n tall-y n tu lebs y têngê. M na n duka ko-yulgemde n waal yã, n pek wên-naandsa pugbã sên dëgem yâmbã. M na n kôo yâmb sũ-paalga, la yam paalga, m na n yãka yâmb sũurã sên ya kugrã n ledg sũuri sên deegd saglgo. M na n pids-y-la ne m meng yam, y na lebg neb sên deegd gomde, sên deegd m noya la sên tũud m sên yalse. Yâmb na tóg n zînd têng ninga mam sên kô y ba rãmba. Yâmb na n yu mam neba, la mam na n lebgã yâmb Wênnaam.

Yul 51 :

Zoe-y mam nimbāanega, Wēnnaam,
wa y sēn mi n maandē.
Y nimbāan-zoeera sēn labsā
bu y yēes m yel-wēndā.
Wa-y ne koom waare, n pek-ma,
tu m lebg yulgemde n zār ne m yel-wēndā.

Da rig-y-ma n zāag ne y meng ye,
da reeg-y y Yam sōnga n bas-m ye.
Kō-y maam y sēn fāagd b rāmba sū-noogo,
Pids-y-m ne y kūuna n paas m pānga!
Sēn budg b rāmba fāa na paam m koεεga
b na bāng y sēn gūud b nengē
a fāa gill na le lεεg n wa kē yā.

Ka maoong buud la y rat ye,
yū-noog maoong meng kōn noogd y sūr ye.
Soaala, maoong ning m sēn na n wa ne
ya m meng sēn ka le tar zēk-m-menga.
Soaala da zāgs-y tu m tuubga pida zānga.

Kaorēng a yiib soabā tulusgo :

Tumtumda a Piyēr sōng kōta tōnd tēebā kaseto, n boond raop la pagb wusgo, tu b
wa pug Kirista. D kelge

TUMTUMDBA VULM KIBAR SEBR KAORENGO : Tv 2, 36-41

Yul wa būmb n kōs sēn kelg-ba sūuri, tu b yeel a Piyēr ne Tumtumdbā: «Yaa bōe
la d tog n maane, d saam-biisi?» A Piyēr leok-b lame: «Tuub-y y manesma la
ned kam fāa reeg soob a Zezi yur yīnga, n paam a yel-wēna sugri, la rē poore y
na paam a Vuusem Sōngo. Yaa yāmb yīng la kāabga kāab yā,yāmb ne y kamba
n paas bu-zēmbā, wala Soaala sēn dat n bool-b tēka.» Ne goam buud ka tēka, a
Piyēr da kōta kaseto la a sagend woto : «Fāag-y y meng ne zamaan yookā.»
Neba me kelga a goama n sak n deeg soobo. A Piyēr sēn paam tēedba baraare,
taa tus a tāabo.

Soaala gomd la woto

Kilsgu/

Alleluya. Alleluya.

“kēng-yā! Kut-y tu mooga ninsaalb fāa lebg m karen-biisi. Mam na n paa ne
yāmba, hal tu ta dūni sēbo” (Mt 28, 19^a.20b).

AD SOAALA KOE-NOOGO A MARK SÔNG SÊN GULSE : Mk 16, 15-20

A Zezi yeela b Tumtumdbā: «Bɩ y kēng dūni fāa pugē n zāms neb Kibar noogā. Ned ninga sēn na n saka n tē, la sēn na n saka n deeg soobo, yē soab na n paama fāagre. La ned ning sēn na n zāgsa tēebo, yē soab na n paalga a menga. Ad sēn na n tē-bā sēn na n maam bōn-bān ninsi: mam yuur yīnga, b na n diga sūtāamba. B na n goma bu-zēmb goama. Bāmb na n yōga wiis ne b nusi, la b sā n wa yū zēnem me, a kōn maan-b būmb ye. B sā n sūs bāad-dāmb ne b nusi, b na n paama laafu.» A Zezi sēn waa n gom ne bāmb n sɛ, b yukame n du yīngri. B zīi Wēnnaam dutgo. La Tumtumdba saaga zīs fāa n zāms Kibar noogā, la Soaala ra sōngd-b lame, la b da maanda wēnd makr dāmba n paasdē.

- Kilisgu!

WĒND GOMD PULBO

SOOBĀ PULENGO NEKRE

Sēn so-a puusgā taoorā tōe n tuusa ne gom-kāensa bɩ ne goam a taab sēn wēnd gom-kāensa.

Puusga taoor soaba : tōnd soobā deegr daare, d lebga moogā yamsem la a rabulle; tōnd lebga koe-no-moaandba, dūniyā pugē. Rūdā sēn yaa āndūni wā tōr tēeb yalgr daarā, d modg n le tēeg d soobā yelle, sēn kut tu d lebg tēeb tumtumdba, la d le modg n tōdg sūtāana, la d tēeg d tēebā puleng ne Wēnnaam Ba, Wēnnaam Biiga la ne Wēnd Vuusem sōngo.

Puusgā taoor soaba : Rē yīnga, yāmb sēn ket n dat n pug a Zezi Kirista, y na n kell n tōdga sūtāana sēn wat-a ne yel-wēndā bɩ?

Leokre : M tōdgda

Puusgā taoor soaba : sēn na n yulē n vuund Wēnnaam kamb vuun burkīndlim pugē, yāmb tōdgda sūtāana ?

Leokre : M tōdgda

Puusga taoor soaba : sēn na n yulē n zāag y mens ne sūtāana rīung pugē kōom, yāmb tōdgda būmb ning fāa sēn tōe n kēesa yāmb wēnga pugē ?

Leokre : M tōdgda

Rě poore, puusgã taoor soab kěngda taoor n yeele :

Puusga taoor soab : yāmb tēda Wēnnaam Ba pāng soaba, yīngr la tēng naanda ?

Reesgo : D tēedame

Puusga taoor soaba : Yāmb tēda a Zezi Kirista, Wēnnaam Bi-yende, tōnd Soaala, a Maryam sōng n dog bāmba, b namsame la b kii pik zugu, tū b solg-ba, b vuuga kumes suka la b zīi Wēnnaam Ba rutgo bu ?

Reesgo : D tēedame

Puusgã taoor soaba : Yāmb tēda a Vuusem sōngo, Tiugung Katolik sōngo, nin-sōma laogengo, yel-wēna yēesgo, yīns vuugre la vuumsēn kōn sa bu ?

Reesgo : D tēedame

Puusga taoor soab baasda ne kosg ninga sēn pugdã :

Bu Wēnnaam pāng soab soaba, Tōnd Soaala a Zezi Kirista Ba, sēn kut tū tōnd le rog ne koom la ne a Vuusem Sōng kūuni, d soobā deegr daarā, gū-tōnd ne bāmb meng barka, Kirista tōnd Soaala maasmē, hal zamaan ne zamaana.

Ressgo : āmina.

M tēda Wēnnaam Ba pāng soab puusgo :

BUUD PUUSGO :

- 1- Tiugung sēn be zamaana tōr pugē pe-kumbā yīnga, Pap, evēk rāmbā, prētr dāmbā, diyakr dāmbā la b sōangdba fāa sēn get tuumdā yellā yīnga, tū b tall tēeb tuumdā sūuri n tum ne b pāng fāa, tū Koe-noogā saag zīig zānga. D puuse !
- 2- D puus Politikā la kadeng taoor dāmb fāa yīnga, t a Vuusem Sōng vēneg-ba, tū b ruk b yam la b meng zānga, n tum nimbuiida sōngr yīnga, tū d zamaana yu zemsgo la saam-biir zamaana.. D puuse !
- 3- Neb nins fāa sēn namsd-b yīnsā la b sūsā pusē, la b tēeba vuum pugē yīnga, sēn yuda kiris-neb ninsa sēn yāet-b zu-loeese, koe-noogā mooneg tuumd pugē yīnga, tū puuga Soab yu b tēenda la b yolsda. D puuse !
- 4- Tōnd fāa sēn tigim taab ka wā yīnga, tū ne d sooba pānga, bu tēebā tuumd lebg d tuum-pakr menga, la a sōng-do, tū d tall Koe-noogā sū-noogā, n taas d sēn vu zīig ning fāa. D puuse !

2019 TÊEB YALGR KIUUGÂ PUUSGO

D Ba Sõngo,

Yãmb Bi-Yend a Zezi Kirista sên vuug kums sukã

kõ b karen-biisã no-kãnga:

“këng-y, kut-y t. mooga ninsaalb buud fãa lebg m karen-biisi”.

Yãmb tēegda tōnd t. Tiugung tũumdã yaa tōnd me rēnda.

Ne yãmb Vuusem Sõng kũuni, sõng-y tōnd

t. d y. Koe-noogã kaset dãmba

ne raodo la ne d sũur fãa,

t. bala b sên puus Tiugung tũumd ningã na ka pids zãng ye.

Dē n so, t. d kotē t. y sõng Tiugungu t'a bao yam la dabaar paalga,

sên na n yulē t. dũni wã paam vum la vēenem.

Sõng-y-do t. d maan d sên tõe fãa,

t. ninsaalba fãa tōog n seg tōnd Soaala a Zezi Kirista nonglemã,

sên wat ne fãagr la nimbãan-zoeere,

Bãmb sên v. la b rut naam ne yãmb la ne a Vuusem Sõngo,

hal zamaan ne zamaana. Amina

KUUUNA PUUSGO :

Soaala, dũni fãagr yĩnga, yãmb sak n deega y Biigã namsg sên puk Yãmb ziirã. B. y sak n deeg kũun kãnga me, Y Tiugungã sên köt yãmb a puusg pugē. D kot-y -la rē, a Zezi Kirista tōnd Soaala maasem yĩnga. Âmina.

KOMINIYÔ POOR PUUSGO :

Sõmblem Naab a Wēnde, d kãntuga! B. sakrema kãnga yōod kut t. d lebg nin-sõama, Tiugung sên but ne somblem daar fãa wã pugē, t. âdem biig fãa tũ be, n paam fãagr ninga yãmb Biigã sên pak a soab sor n kõ-d Pika zugu, Bãmb sên v. la B rut naam ne Yãmb la ne a Vuusem Sõngo, hal zamaan ne zamaana, âmina.

**KRIS-NEBÂ NUG BÛMB KÛUNI NE CFA WÂ LIGDI
2018 YUUMDÂ PUGÊ**

TIUGUNG ROTÂ	OPF	OEM	OSPA	FÂA ZÂNGA
BÂNFOORA	1 939 580	198 280	347 880	2 485 740
BOBO-DIULASSO	11 208 485	1 711 755	1 782 585	14 702 825
DEDUGU	4 707 780	1 961 575	1 176 945	7 846 300
DIYEBUGU	3 029 810	557 095	291 690	3 878 595
DOORI	4 152 785	307 175	479 265	4 939 225
FADA N'GURMA	32 355 425	514 600	511 780	33 381 805
GAWA	3 251 305	446 175	437 740	4 135 220
KAYA	20 536 385	531 335	850 730	21 918 450
KUDUGU	72 836 110	3 022 320	2 613 995	78 472 425
KUPÊELA	39 048 455	2 390 140	2 854 450	44 293 045
MAANGA	14 574 545	929 445	1 004 130	16 508 120
MAARADI	412 350	918 605	131 350	1 462 305
NIYAME	2 282 475	4 421 890	1 553 360	8 257 725
NUUNA	3 275 135	486 725	372 580	4 134 440
WOGDGO	92 825 235	10 408 342	8 482 745	111 716 322
WAYUGI	14 246 210	843 010	730 910	15 820 130
TÊNKODOGO	27 436 975	520 000	994 045	28 951 020
FÂA ZÂNGA	348 119 045	30 168 467	24 616 180	402 903 692

**BURKÎNA FASO LA NIZËER
TIUGUNG ROOG FĀA LA KRIS-NED FĀA NUG BŪMB KŪUNI
2018 YUUMDĀ PUĖĖ**

TIUGUNG ROTĀ	NIMBUUDĀ SŌORE	KRIS-NEBĀ SŌORE	Tiugung roog fāa nug būmb kūuni	Kris-ned fāa nug būmb kūuni
BÂNFOORA	2 500 000	24 500	2 485 740	101
BOBO-DIULASSO	1 759 670	155 230	14 702 825	95
DEDUGU	813 221	131 822	7 846 300	60
DIYEBUGU	1 212 284	149 215	3 878 595	26
DOORI	794 000	13 845	4 939 225	357
FADA N'GURMA	1 035 000	103 695	33 381 805	322
GAWA	658 562	20 367	4 135 220	203
KAYA	1 759 292	100 635	21 918 450	218
KUDUGU	1 193 904	318 960	78 472 425	246
KUPËCLA	8 000 000	219 401	44 293 045	202
MAANGA	967 990	140 325	16 508 120	118
MAARADI	1 086 500	1 578	1 462 305	927
NIYAME	581 280	19 200	8 257 725	430
NUUNA	326 967	63 841	4 134 440	65
WOGDGO	361 387	888 157	111 716 322	126
WAYUGI	670 300	113 567	15 820 130	139
TËNKODOGO	10 099 354	113 891	28 951 020	254
FĀA ZĀNGA	33 819 711	2 578 229	402 903 692	156

KOESE LA KIBAY PAALA



D Ba Sõngo, Pap Fārensoa saka Kaya Tiugung roogā Ba, Mosēyēer Toma Kaboor kosgo, n kō-b vuusgo. Rē n so tɪ b yāk Labe Teofil Naare, Kugpɛɛl Tiugungā mompɛɛre, sɛn yɪ Kumi, semineer kāsengā, sɛn be Bobo Diulaso, b sɛn duk n gūnug a Piyɛɛr Klavɛɛr sōngā taor soaba, tɪ b na n yɪ kaya tiugung roogā Ba.

Kardinal Fernando Filoni sɛn yaa congrégation pour l'Evangélisation des peuples (CEP) sullā taor soab yāka pɛɛr Gi Boyō tɪ b lebg a Piyɛɛr sōng sullā sɛn be Rom tɛnga taor soaba. Bāmb reega a Pɛɛr Fernando Dominges zīga, bāmb sɛn da get tuumd kānga yelle n tāag marsā.



D Ba sōngo, Pap Fārensoa yāka pɛɛr Ałegsāndre Yiky BAZIYE, sɛn be Kɪdg Tiugung roogā pugē, tɪ b na n lebg Kɪdg Tiugung roogā ba sōangda. Bāmb da yaa Vikɛɛr Zeneral n ta marsā Kɪdg Tiugung roogā pugē. B kō-b-la Gumi de Bizasena Tiugung roogā Zaoore.

2019 tēeb yalgr yule

Tiugung roog kamba
yik-y la y ra gūs yee
e

-ne soob sakre
ma reegre Naaba
Wēnd tuma tōnd fāa
zānga tū d tū
moon Koe-noogā ān-
dūni zāng pugē
yee

1. Burkīn-dāmba yik-y
yee
d gād taab nus ne
Nizēer Tiugung roog
kamba
- tū tēeb yalgr
tuum-sōngā yaa d fāa
tuumde
-Pap sūur koēeg ne
tōndo, yaa d tik d
soobā pānga n
tum Koe-noogā mooneg tuu-
ma
bala ne soob saker-
ma, d lebgā bāngd-
ba, n lebg rīm-bii-
si, la maan-kuodb
buudu n tog n tū
moon Wēnd koēegā
yee
2. Bōe la d na n maan n
seg Kirista sēn vū bāmb
Tiugungā pugē n
paam pāng la raodo n
tum tū dūniyā paam fāa-
gre ne
Ekaristi sakema
reegre d
paamda Kirista pān
ga n lebg
Koe-noogā mooneg gān-
daado

3. -Kudem dāmb yeela-
me
-tū buud biig sēn
kelgd buudā gomde
-n tumd buuda
tuuma
a sud yaa buudā zān-
daoogo bū
kiris-ned fāa rulg a
meng ne Wēnd gomdā
noosem n
lebg tōdbeoog ādg n
vēneg dūniyā zānga
yee
4. Burkīn dāmba kelg-y
neere ka-
koaad kōn dabd koob n
bas a wāk yir yee
- ad tōnd ka tōe n
moon Wēnnaam fāagr
koēegā tū ka tū ne
puusg yee
sūda yaa ne puusg
pānga
-la d na n n tōog n
tum tū Wēnd Riung saag
moogo
d vūma pugē,
d zagsā pusē bū d
wung ne puusgo
o tū
Koe-noogā mooneg kū
yēgna
5. Bull geta a ma noo-
rē n zāmes yamd wābre
Tiugung kamba
a bū d
roog d nens n ges d
tēebā yaab rāmb **so-
turse** n
duk nin-sōma la mar
tur dāmb tēebā ka-
seto n

duk b togs-n-taar n
pids d sēn kāab Wēnd
taoore

6. Koe-noogā mooneg yīn-
ga
rēnd d paam kaoreng
la zāmsg buud toor-
toore n
yaool n tōog n pul-a ne d
taaba
haya we tēedba,
-sebr sōng zāmsg
na sōng-do tu d wum
tēebā yel-solgr vōo-
re tu
katesuusem zāmesg
buus d tēebā, tu d
tall burkind sūur n
tum n da vuus ye,
- tu dūnyā miuung wao
ga vuum
koegā ko-yuud n tar
dūniyā

7. A
raag zuum n fāag buud
kambā kelg-y-yā,
nonglem sān ka be
tōnd tuuma pusē,
la tōnd ne d taaba
suka,
Koe-noogā moonega **yaa**
toogo
nonglem yaa yū-noog
maoong sēn waoogd Wēn-
naam yee
n wēnd saag koom
sēn madgd tēnga,
n manegd dūniyā yel-
le
bu d kō d mens zāng n
tum n da suus yee
e tu d
keoor bee Naab a Wēnd
taoore

Ne soob sakrema
pānga
Tiugung biiga zoe n tu
moon Wēnd koegā
yee

- E-
vek rāmb la pretr
dāmba ra zoe-y yaames
ye n kell n
deeg Kirista zīg n
kogl b bāgrā piis n
kō-b yee
- Fræc la scæc dāmbā
wung ne puusgo
-tu d paam pāng n
moon Wēnd koegā
ādem biisa fāagr yīn-
ga
- Kate-
sus rāmba a ka
moon koegā tōt zīg
rāmba sēbg-y y kalle
e
- tu Wēnd kom la b ko-
yuud bee moogo
yee
- A Na-
kēebzāng bu-yaoleng
kamba yik-y yingr
yagbgo!
-tu d naag taab n
tum tu Wēnd Riung saag
moogo

